

◎註。

復古運動。本非適時之事。然同是吸收新歐化。彼猶如此進行。本有可批評之價值。錄登於此。以供讀者參攷。

粵東復古之新潮

粵省當局對於時髦行動近代儀文。掊擊不遺餘力。故其影響所及。披靡一時。前有艦隊司令張之英提議禁止夏日男女同場泳游。業已由公安局轉令實行。近又有省河督配局長鄭日東向政府提議禁止男女挽臂偕行。鄭之條陳原文云。自世界文明灌入中土。歐風美雨相逼而來。吾粵開化最先步趨恐後。婦女解放。社交公開。贈芍採蘭。播艷聞於洧外。鑄美貽管。傳韻事於城隅。當此過渡時期。兩性追求容或有蕩檢踰閑之舉。傍觀指摘。遂引釁人心。世道之憂。思想各趨極端。意見自難融合。前日鈞曾頒取締男女同泳之令。益惹起社會注意。民性本頑固。志希聖賢。旣痛嫉乎新潮。尤力崇乎古禮。竊以爲泳場混雜。取締固在所當先。而過市招搖防範亦不容少緩。在昔男子由右競效時髦。固違禮教。金闌麗質。恆蹀躞於街頭。繡閣嬌姿。慣翶翔於道左。塗脂抹粉。藉作目標。露臂袒胸。恣爲肉誘。以致遊蜂逐蝶。喜秀色之分餐。浪蝶追蹤。冀餘香之一嗅。輕薄者每上下其手。謹愿者亦馳騖其心。邂逅中或結邪緣。熙攘內各誇艷。遇廉恥之道。盡喪姦拐之案。日增流弊。所窮伊于胡底。茲查同泳之習。亦旣加以取締。而同行之弊。不聞并爲防範。竊疑明禁所施。胡乃嚴於水而寬於陸。恐澆風莫戢。未能正其本而清其源。每一涉足道衢。縱觀怪狀奇裝。冶服粥粥。羣雌執手並肩。雙雙愛侶。途人爲之側目。俗士尤多痛心思惡。習亟當并除。嘆狂瀾誰與共挽。謹效芻蕘之責。聊爲管蠡之陳。伏唯采擇施行。黨國前途曷勝厚幸。

更又有市民黃維新擬具分男女界限五項。其提議書全文如下。當局禁男女同泳用挽頸風已見諸明令。近聞更議限制性別理髮亦在討論中。善政仁風將見謳歌閭巷。然新以爲應在禁止之列。尙多倘能一一實現庶免百密一疏之弊。一擬請禁男女同車。所有全省不分公營私營大小車輛。無論軍用民用一律不準男女同車。至低限度亦須分座。用符古人男女有別之義。而免有女同車之詬。一擬禁男女同食。不分衙署公宴私宴。無論酒樓茶肆。一律不準同食。至低限度亦須分座。如能倣照舊俗妻妾婢女俟男子食畢而後食更佳。一擬禁男女同住。所有全省旅店一律不準男女同住。並須分別性別營業。庶免混亂之嫌。一擬請通飭軍民人等。一律不準在同一行路來往。以符男女殊途之旨。一擬請通飭所有影畫院。一律不準影男女同演畫片。並分男女游樂場所。防閑杜漸。庶免暗中摸索。發生狎褻行爲。以上所陳均屬風化攸關。惟須禁令所屬強制執行官僚士庶一體待遇。不復陰奉陽違。否則如跳舞游泳等單獨禁止。未免爲世所指摘。甚望執政諸公嚴厲執行。庶幾風從草偃。一挽澆俗。使三代之風重見於今日。匪特蟻民受賜。卽萬國亦知中華大民國爲禮義之邦而興聞風之感矣。

按廣州復古運動無所不用其極。教忠教孝之外。又有所謂男女分泳男女分路之陳請。百光十色。各臻其妙。蓋由厭新思舊。矯枉過直。而然亦可以見彼都之敗俗頹風。世道人心已不可問。故不得不不出於此。雖然難矣。心一放即不可以復收。世已新即不可以復舊。今是世界即一大混亂之世界。吾人唯有任之使之同歸于盡。然後始有望反樸回淳之一日。不然愈行禁止。卽愈見爆發徒勞而無功耳。

東居叢詩

蘇玄瑛

流螢明滅夜悠悠。素女嬪娟不耐秋。相逢莫問人間事。故國傷心祇淚流。
 異國名香莫浪偷。窺簾一笑意偏幽。明珠欲贈還惆悵。來歲雙星怕引愁。
 碧闌干外夜沉沉。斜倚雲屏燭影深。看取紅酥渾欲滴。鳳文雙髻是同心。
 誰憐一闋斷腸詞。搖落秋風祇自知。况是異鄉兼日暮。疎鍾紅葉墜相思。
 蘭蕙芬芳總負伊。並肩携手納涼時。舊廂風物重相憶。十指纖纖壁荔枝。
 却下珠簾故故羞。浪持銀蠟照梳頭。玉階入靜情難訴。悄向星河覓女牛。
 翡翠流蘇白玉鉤。夜涼如水待牽牛。知否去年人去後。枕函紅淚至今留。
 鞍韁院落月如鉤。愛花陰懶上樓。露濕紅葉波底襪。目拈羅帶淡蛾羞。
 腰脂湖畔紫骝驕。流水棲鶼認小橋。爲向花蕉問消息。朝朝紅淚欲成潮。
 碧沼紅蓮水自流。涉江同上木蘭舟。可憐十五盈盈女。不信虛家有莫愁。
 蟬翼輕紗束細腰。遠山眉黛不能描。誰知詞客蓬山裏。烟雨樓臺夢六朝。
 噁噔秋林細雨時。天涯飄泊欲何之。空山流水無人迹。何處蛾眉有怨詞。

▲去國行（譯拜倫英文原作）

行行去故國。瀨遠蒼波來。鳴湍激夕風。沙鷗聲淒其。落日照遠海。游子行隨之。須臾與爾別。故國從此辭。



日出幾刹那。明日胸臆間。海天一清嘯。舊鄉長棄捐。吾家已荒涼。爐竈無餘烟。牆壁生蒿藜。犬吠空門邊。

童僕爾善來。恫哭亦胡爲。豈恐怒濤怒。抑畏狂風危。涕泗勿滂沱。堅船行若飛。秋鷹甯爲疾。此去樂無涯。

童僕前致辭。敷衽白丈人。風波甯足憚。我心諒苦辛。阿翁長別離。慈母平生親。梵梵誰復顧。蒼天與丈人。

阿翁祝我健。殷勤尚少怨。阿母沉哀恫。嗟猶來無遠。童子勿復道。淚注盈千萬。我若效童愚。流涕當無算。

火伴爾善來。爾顏胡慘白。或懼強國仇。抑被勁風赫。火伴前致辭。吾生豈驚迫。獨念閨中婦。顓容定枯瘠。

賤子有妻孥。隨公居澤邊。兒啼索阿爹。阿母心煎煎。火伴勿復道。悲苦定何言。而我薄行人。狂笑去悠然。

誰復信同心。對人陽太息。得新已棄舊。媚目生顏色。歡樂去莫哀。危難寧吾逼。我心絕悽愴。求淚反不得。

悠悠蒼浪天。舉世無所忻。世既莫吾知。吾豈歎離羣。路人飼吾犬。哀聲或狺狺。久別如歸來。蔽我腰間裨。

帆檣女努力。橫趨幻泡漁。此行任所適。故鄉不可期。欣欣波濤起。波濤行盡時。欣欣荒野窟。故國從此辭。